



CONVENIO DE COLABORACIÓN ENTRE A CONSELLERÍA DE POLÍTICA SOCIAL E A ASOCIACIÓN GALEGA DE EMPRESAS MUSICAIS (AGEM) PARA O IMPULSO DA PRESENZA DAS MULLERES EN SECTORES MASCULINIZADOS DA INDUSTRIA MUSICAL DE GALICIA.

MEMORIA EXPLICATIVA

De conformidade co Decreto 42/2024, do 14 de abril, polo que se establece a estrutura orgánica da Xunta de Galicia, o Decreto 49/2024, do 14 de abril, polo que se fixa a estrutura orgánica das consellerías da Xunta de Galicia e o Decreto 139/2024, do 20 de maio, polo que se establece a estrutura orgánica da Consellería de Política Social e Igualdade, correspóndelle a este órgano superior en materia de igualdade, impulsar as actuacións conducentes á promoción da igualdade e á eliminación da discriminación entre mulleres e homes, nos termos establecidos na Constitución, no Estatuto de Autonomía de Galicia, na Lei 11/2007, do 27 de xullo, galega para a prevención e o tratamento integral da violencia de xénero, na Lei 7/2023, de 30 de novembro, para a Igualdade efectiva de mulleres e homes de Galicia, e na demais lexislación aplicable na materia.

A Comunidade Autónoma de Galicia a través da Lei 7/2023, reforza o seu compromiso coa eliminación da discriminación das mulleres e coa promoción da igualdade entre mulleres e homes no acceso ao mundo laboral. Este compromiso artículase a través de medidas que favorecen o emprego feminino por conta propia ou allea, garantindo a igualdade de oportunidades na política económica, laboral e social e fomentando a corresponsabilidade e conciliación da vida laboral, persoal e familiar.

A Lei 7/2023, co fin de facer efectivo o dereito constitucional da igualdade, insta os poderes públicos de Galicia a adoptar medidas específicas en favor das mulleres para corrixir situacións patentes de desigualdade de feito respecto dos homes. Neste sentido, resulta prioritario desenvolver actuacións orientadas á capacitación, profesionalización e acompañamento das mulleres en ámbitos tradicionalmente masculinizados, xerando condicións reais para a súa incorporación e permanencia no mercado laboral.

A Asociación Galega de Empresas Musicais (AGEM) é unha asociación profesional sen ánimo de lucro que ten por obxecto defender os intereses profesionais das empresas galegas vinculadas á música ao vivo, ademais da representación dos seus asociados e a promoción dos seus intereses profesionais, laborais, sociais e culturais. Entre os seus fins están o intercambio de ideas e experiencias en beneficio do exercicio da profesión de promoción, produción e distribución de concertos musicais; a organización de





cursos, seminarios e conferencias; a realización de estudos e informes de interese para o sector; o fomento da prevención de riscos laborais e a seguridade dentro do sector musical, para o cal poderá desenvolver estudos, informes sectoriais e calquera outra acción que se considere precisa; o fomento do turismo cultural en Galicia e a colaboración na promoción de Galicia como destino turístico cultural así como o impulso da imaxe turística de Galicia no desenvolvemento das súas actividades.

O obxecto deste Convenio é establecer as bases reguladoras para a concesión directa dunha subvención da Consellería de Política Social e Igualdade á Asociación Galega de Empresas Musicais (AGEM) para o deseño, desenvolvemento, execución e avaliación dun Programa de Bolsas “*O Noso Canto*”, destinadas a impulsar e promover a incorporación, capacitación e profesionalización das mulleres en sectores masculinizados da industria musical galega, apoiando a carreira de artistas ou profesionais galegas para que poidan formarse en sectores da industria musical nos que aínda existe unha importante fenda de xénero especialmente nos sectores técnicos, creativos e de produción e xestión.

A non obrigatoriedade de inscrición da Asociación Galega de Empresas Musicais (AGEM) no RUEPSS xustifícase porque esta asociación non ten como obxectivo a prestación de servizos sociais e segundo o Decreto 254/2011, de 23 de decembro, polo que se regula o réxime de rexistro, autorización, acreditación e inspección de servizos sociais en Galicia, establece a obrigatoriedade de inscrición no RUEPSS para aquelas entidades que exclusivamente desenvolvan actividades que teñan a consideración de servizos sociais, entendidos como prestacións técnicas ou profesionais dirixidas á atención directa de necesidades persoais e sociais, especialmente en situacións de dependencia, exclusión ou vulnerabilidade, mediante prestacións técnicas, profesionais ou económicas integradas na carteira de servizos sociais, e que perciban ou pretendan acceder ao financiamento público pola prestación de servizos sociais.

O principio de Igualdade é transversal, e deriva do dereito á igualdade que a Constitución concibe como un valor superior do ordenamento xurídico, e por outra parte, tal e como recolle o título II da Lei 7/2023, abarca todas as actuacións da Administración xeral da Comunidade Autónoma de Galicia e do sector público autonómico, e non só as competencias dos servizos sociais.

A concesión directa da subvención a través deste convenio se efectuará ao abeiro dos artigos 19.4.c) e 26 da Lei 9/2007, do 13 de xuño e o artigo 40 do Decreto 11/2009, do 8 de xaneiro, polo que se aproba o regulamento da Lei 9/2007, na que se prevé a posibilidade de excepción do réxime ordinario de concorrência competitiva en base ao





carácter singular das subvencións e razóns de interese público, social e humanitario, cal é o caso no que o interese prioritario é poder mostrar a cidadanía galega novos patróns socioculturais que eliminen os prexuízos de xénero no mundo empresarial a través dunha rede de apoio que visualice e impulse o valor das mulleres como motor de futuro e axentes clave no desenvolvemento socioeconómico de Galicia.

Os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos dos sector público, pola que se traspoñen ao ordenamento xurídico as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

Dada a especificidade do proxecto da asociación, esta conta con persoas con experiencia acreditada nestes proxectos, cos medios necesarios e as condicións de solvencia técnica para a realización das actividades propostas.

O alto grao de representatividade da asociación, ao abarcar unha alta porcentaxe do sector musical galego, con case sesenta empresas asociadas que conforman conxunto de estruturas de produción e creación de moi diversas tipoloxías a nivel profesional; o seu carácter como única entidade aglutinadora do sector musical galego no seu conxunto ao integrar a empresas que realizan actividades de deseño, xestión e produción de eventos de carácter cultural, musical, educativo, social e de entretemento, actividades técnicas, de representación de artistas; a exclusividade na creación dos primeiros premios da industria musical galega; así como a inclusión destas actividades de fomento dentro da planificación estratéxica da Axencia Galega das Industrias Culturais, xustifican a concesión desta subvención mediante a formalización deste convenio de colaboración.

A Consellería de Política Social e Igualdade, a través da Dirección Xeral de Promoción da Igualdade estima oportuno asinar un convenio de colaboración coa Asociación Galega de Empresas Musicais (AGEM) para o financiamento das accións sinaladas.

Santiago de Compostela, na data da sinatura electrónica

A directora xeral de Promoción da Igualdade

Eloína Ingerto López

